



Diasabra ultimo

SAC a parti premio



DIASABRA ultimo, na su propio oficina, SAC a reparti e premio n'e agrupacion y personanan cu a gana premio e periodo di Carnaval. E tabata un anochi ameno, unda a papia hopi riba e actividadnan cu tabatin, pero sigur kico ta spera otro aña, ora cu celebra 60 aña di Carnaval di Aruba. P.e. mira e premio cu a bay n'e grupo mas anima, cu ta Los Laga Bai, cu si mester bisa cu for di awor ta practicamente yen, sin cu a habri inscripcion mes ainda. Dirigencia di e grupo aki lo mester bay evalua e situacion aki, unda nan tin un limite di participante, cu ta 400 pero sigur lo mester pensa riba expansion, si dicidi pa acepta tur esnan cu ta interesa pa participa den e Grupo di Mas Animacion. Tabata Rinus de Graaff, kende a representa Los Laga Bai diasabra ultimo. Un biaha mas, nos felicitacion na tur cu a haci Carnaval 59 sigur uno exitoso.